

# مشق اولی

مطبعه رحل اداره :

جمال اوغلتنده امنیت  
سندوفی جوارنده  
شنگول یقوشنده  
۲۷ نومرو

سلکمزمووافق آثار  
جدیده مم المنونیه  
قبول اولنور

درج ایدله بن آثار اعاده اولنماز

دیر ، فلسفه ، علوم ، حقوق ، ادبیات تاریخ ، رسایاننده وبالخاصه احوال دشتوره اسلامیه درت ایدر دهفته بر نشر اولنور .

صاحب ومؤسسی :

آبونه بدلی

در سعادتده نسخسی ۵۰ پاره در

ابوالعلا زین العابدین - ح . اشرف ادیب

سنه لکی

تاریخ تأسسی

عالمک عثمانیه ایچون ۶۵ ۳۵ غروش

قبرله دن مقوا بورو ایله کوندربیرسه سنوی

روسیه ۶۵ ۲۰۰ روبله

۲۰ غروش فضله آلنیر

۱۰ تموز ۳۲۴

سائر عالمک اجنبیه ۱۷ ۹ فرائق

یدنجی جلد

۲۱ رمضان ۱۳۲۹ پنجشنبه ۱ ایلول ۱۳۲۷

عدد : ۱۵۸

## وحدت وجود

- ۶ -

ملکات عقلیه مزه حاکم اولیور . حال بویله اولقله برابر عشقک  
ذاتنده ادراک حقایق خاصه سی یوقدر .

تصوفه میال اولان فلاسفه نك حس وجدانیده وجودینی ادعا  
ایتدکری خاصه کشف وشهود مهم بر فرضیه دن بشقه برشی دکلدرد .  
فی الحقیقه دائره تجارب ومشاهداتمزدن خارج بعض حقایقه بزمده  
نوعما کشف وشهود ایله تأمین وصول ایتدیکنمز واقع ایسه ده بوده  
طوغریدن طوغری به ملکات عقلیه مزه راجعدر .

تصوفک تضمن ایتدیکی محذوریا لکنز تحلیل مطلبده کی سقامته انحصار  
ایتسه ایدی ، یک اوقدر اهمیتی اولماز ایدی . فقط تصوف عقلک  
دلالتنه افتقاردن عدول ایله حقایق اولیه وسائریه یالکنز دلالت  
حسیه ایله تأمین وصول ایدیه بیله چکنه قائل اولیور .

اگر حقیقت اولیه ایسه عقل وادراکک نه لزومی قایلر ؟

متصوفه نك دیدکری بوله کیدلیدیکی تقدیرده عقل ومنطق قواعدندن  
خالی اولان خزانه اوهام وخیالاتدن بر طاقم ترهات ظهور ایتسکه  
باشلار . بوندن بشقه شائبه دارالحاد اولسی محتمل بولنان ملاحظات  
عقلیه دن اعراض ایدیه جک اولورسه وجدانیاته متفرع حسیات ایله  
صرف مادیاته متعلق اولان حسیات بربرندن نه وجه ایله تقریق  
ایدیه بیلیر ؟

بنابرین تصوف متافزریق دنیلن قسم فلسفیده اصلا موقعی اولمیان  
بر خطای ذهنیدن بشقه برشی دکلدرد . بوخطا ارکیج بتوز ملکات  
عقلیه و اخلاقیه یه استیلا ایدر . انسان انک دلالتنه اقتدا ایله طبیعت  
واستعدادینک فو قدده کی مراتبه ارتقا سوداسنه دوشدیکه دائماسقوطه  
محکوم ، ملکات مخصوصه سندن انک مهمنی تعطیل صورتیه ملکات  
سائرهنی حسن استعمال فیضندن محروم اولور . تصوف عمومیتی  
اعتباریه بر شکل دینی تحتنده ظهور ایدر ، افراطی حیرت وهیانه  
منجر اولور ؛ انسان کنندیسنده بر طاقم حالاتک ظهوریه فنا فی الله

« پانته ایزم » ه اعتراض ایدنلرک « بو مسلاک نتیجه اعتباریه  
یاطبیعیون یاخود تصوف مسلککنده قرار قیلیور ، دیدکری بوندن  
اول دفعات ایله سویلمش ایدک . « پانته ایزم » حقنده بویله بر حکم  
یرلدکن صکره توالیسی ضروری اولان دیگر اعتراضلرک بالطبع  
« پانته ایزم » دن زیاده انک نتایج ضروریه سندن اولمق اوزره کوستریلن  
بو ایکی مسلاکه عائد اولسی لارم کبیر ؛ بو مسلاکر حقنده وارد  
اولان اعتراضاتک مفصلاً یازلمی ده بزی صدد خارجه چیقاریر .  
شو حالده بزده اندن صرف نظرله بمحتمزه جهت تعلقندن طولای  
تصوف حقنده غریبون طرفندن سرد ایدیلن اعتراضاتدن خلاصه  
بحث ایدلم . محاکمات عقلیه لرنده فکر ونظردن بشقه رهبر طانییان  
بو آدمار دیورلرکه : تصوف ، مقتضای عقله متابعتدن انحراف ایله  
یالکنز حس وجدانیلرینی بدرقه سلوک اتخاذ ایدن کیمسه لرک مسلاک  
مخصوصه لیدر . انتر عقلک کریوه ضلاله دوشمسی امکاتی نظر اعتباره  
الهرق انک دائماً بو محذوری تضمن ایتدیکنی ادعا وبوندن طولای  
مقتضاسنه متابعتدن ابا ایدیلورلر . بو اعتقاد صحابنک فکرلرینه کوره  
انسان تحری حقیقت وادیسنده مقتضای عقله متابعت شریطه سندن  
تعریه نفس ایله یالکنز قلبه توجه واندن نیمان ایدن سواثقه اقتدا  
ایتمدیکه جناب حق ایله اصلا مناسباتده بولنه ماز .

بو مسلاکه سالک اولانلر عقلی بوضورتله محکوم ضلال ایتدکری  
صرده بر شیدن یعنی حقیقته هانکی واسطه ایله ونه صورتله تأمین  
وصول ایدلدیکندن ذاهل اولیورلر . زیرا قلبک توجه ایتدیکی  
هرهانکی بر حقیقت مطلقا عقلک دلالتیه ثابت اولمشدر . واقعا عشق  
دنیلن حالت وجدانیه روحزی قبضه تسخیرینه الدینی زمان بتون

بیایلیق اولور . حال بوکه انلره نه بقال بش پاره ویرر نهده قصاب! بش فراتلق بر قائمه ایله اوکی اناری احتوا ایدن صحائف بر ترازونک ایکی کفه سنه قونیه جق اولورسه هیچ شبهه یوق که بش فراتلق قائمه هپسندن اغیر باصار .

ناسوته ناظر بر کوزی لاهوته چویرمک نهقدر مشکل ایسه لاهوته متوجه بر قلبی ناسوته چویرمک ده او قدر مشکلدر . هرشیده مادیاتی ایلی سوروب انسانک منوی احتیاجلری برر برر چوروتکه قالدیشمق ، روحنی اولدیروب جسدنی یشاتمغه قالدیشمه نک عیندر . برینک امکانی وارسه دیکرینک ده واردر .

حال بویله ایکن فرنکرک ولوکه کندی تصوفری حقهده اولسون بو قدر عمومی بر لسان قدح و مذمتله اداره کلام ایتملی فصل طوغری اوله بیلیر بیله مم . خوش مقصد منانی مدافعه اولدیغندن سوزک بو قدری بیله زانددریا . نه ایسه الکلام بحر الکلام ، سوزینک مضمونی بزیه ده حکمنه مغلوب ایتدی انلرک تصوفریله « پانته ایزم » لرینک اساسی نه اولورسه اولسون اوراسی بزه لازم دکل . یالکز شونی سویله لم که محققین صوفیه نک مسلك خاص عرفانری اولان وحدت وجودک اساسی تصوف ، تصوفک اساسی ده وحدت وجوددر . او مسلكده یتیشن یوزلرجه اعاطمک افعال واقوالی بوکا شهیددر . بوئرک کیمی غلبه استغراق آنده ، کیمی صحو و سکرین زماننده درلو درلو سوزلر سویلمشیر که هپسنگ نتیجی وحدت وجوده واریرور . بسطامینک « سجانی ما اعظم شانی » خالاجک « انا الحق » دیمسی بو قیلنددر . بو ذوات کرامک کافه سی طریق حقهده قطع مراتب معرفتله مقصد اصلی به نائل اولان اختیار امتدر . سوزری مجاهده لر یله مشاهده لر ی نتیجه سیدر . انلر سویلمشیر ، فقط نیچون سویلدکلری سویلمه مشار ؛ بعضیلری ده هم سویلمش ، هم ده نیچون سویلدیکنی سویلمش ، بوسوزلرک نیچوتی ارایانلره ارباب فکر و نظر دینور . بونلرک وادیلری بشقه اولدینی کی انلرک ده وادیلری بشقه در . نه زمان وحدت وجوددن بحث اولنورسه وادی بحث علی الا کثر قالیات وادیسید ، حالیات وادیسند فکر و نظر صاحبنه وداع ایدر . اصحاب حالک حالی کلامق ایچون او حاله محل اوق شرطدر . یوقسه سویلن سوزلر آوازه طبل تهی قیلندن اولمق درجه سنی کچه . تکیم بزم سوزلر ده اوقیلنددر . اصحاب حال اوکی مسهلر در که :

کر شود کور و مکان جمله حجاب رهشان  
بتوجه همه از پیش نظر بر دارند  
همه جا ، با همه کس ، در همه حال و همه کار  
باطن و ظاهر اکر فهم کنی با یارند

قطعه سنک مضمونی انلرک خلاصه حاللری ، « و علمناه من لدنا علما » قول جلیلی حجت قاطعه کالریدر . بنا برین بزده بو مسئله نک حاله عائد جهتی اصحابنه رک ایله یالکز قالدائر اولان قسمندن بحث ایده جکزر .

فرید

مرتبه سنه ارتقا داعیه سنه دوشه روک مادی ، معنوی بتون مجاهداتدن نفسنی ازاده کوریر . عالم خارجی بی استحقاق ایدر . بو ایسه عطالتک غایتی دیمکدر . متصوفیندن بعضیلری کندیلری دینی ، اخلاقی مردرلو قیوددن وارسته قیلارلر . انسان جدال حیات ایچون یارادلمشدر . قوه معنویه سنه اجرای تاثیر ایله انی مساعیدن تبعید و تنفیر ایدن مسالکک کافه سی انسانیت نقطه نظرندن مردود اولمق لازم کلیر . « فته لنون » ایله مادام « کویون » ک مسلكری هر نه قدر بو محاذیری متضمن دکل ایسه لرده عقل وادرا کدن روگردان اولمق اساسی تهیه ایلدکلرندن قتولیک کلیسای طرفندن بحق محکوم ایدلمشدر .

ایشته هرشی مادی دوشونن فرنکرک تصوفه قارشوسرد ایتدکلری اعتراضات بو بوکی اعتراضدر نقطه نظر بوندن عبارت اولنجه بو اعتراضلرک ورودی بک طبعیدر . انجق وجدانیاتی تصدیق ایتدکن صکره انلرک نفس ناطقه یه اولان تاثیر لرندن ذاهل اولمق طوغری اولسه کر کدر .

انلری یالکز کاغدا ووزنده کورمک یا خود حافظه به نقش ایتکه تضمن ایتدکلری حالاتی ذوقاً بیلیمک بیننده بیوک فرق واردر . بر حس وجدانی ، بر انفعال نفسانی بر چوق شتونک تجلیسیله مملو بر عالم دیکرک مفتاحیدر . هر اعتراض نقطه نظر نه تابع اولدیغندن بو اعتراضلرک ده اوله اولمی ضروریدر . بناء علیه هر کس انلری کندی نقطه نظرینه کوره محاکمه ایله یارد یا خود قبول ایدر . اوراسی بزه لازم دکل ؛ بز یالکز بختمز جهت تعلقندن طولانی انلری خلاصه نقل ایتدک .

فقط غیری شوکه کندی تصوفلری بو صورتله باتیران فرنکرک ، صکره فلسفه یه ، کلامه دائر بیکلرجه کتابلر تألیف ، بونلری مدرسه لرنده تدریس ایدیورلر . ایچلرندن نیجه نیجه فیلسوفلر یتیشور . بونلرک کیمی مادیات ، کیمی معنویات ایله مشغول اولیور . مادیات ایله اوغراشانلرک نتیجه مساعیلری ، حیات مادیجه بعض فواید تأمین ایتدیکی جهتله انی بر طرفه براقلم ؛ فقط مافوق الطبیعیات ایله اوغراشانلره نه دیه لم ؛ بونلر معقولات صرفیه یه عائد مسائلک حلنه وقف حیات ایله بر جوق اثرلر تألیف ایدیورلر ؛ بو اثرلر جهان معرفته بیوک بیوک انقلاب وجوده کتیرریور . هرشی صرف مادی بر نقطه نظرندن دوشونیه جک اولورسه بونلرک نه لزومی ، نه اهمیتی قالر ؛ ظرقادن برینک دیدیدیکی کی : بر یوزنده بریمک کشف ایتک کوک یوزنده بر سیاره کشف ایتکدن ده اخیلی ، ده ا فائده لی اولمازمی ؟

کذا بر شاعر چیقور . اسلوبنده کی جزالت ، فکرنده کی علویت ولطافت میلیونلره قلبی تسخیر ایدیور ؛ هر شعر ، مادی برغایتی تضمن ایتمز ، اجتماعی بر انقلاب وجوده کتورمزیا . شعر اولور که سمان زمینه ایتمز . انک علویتنی تماشا ایچون بتون انظار سمایه توجه ایتکه مجبور اولور . مادی غایتلر اوکی بدایعک یانندن بیله کچمز . انلرده بو غایتلری ارامق انلرک سموشانه نسبتله بک عادیلک ، بک